

» fiant. Nemo quod suum est quærat, sed id quod alterius est. » Atque ut ostenderet unde loqueretur: « Omne, » inquit, quod in macello venit, manducate, nihil interrogantes propter conscientiam⁴. » Et tamen alibi dicit, « Non manducabo carnem in æternum, ut non fratrem meum scandalizem². » Itemque alibi: « Omnia quidem munda, sed malum est homini qui per offendit manducat³. » Quod est: « Omnia licita sunt: » ipsum est: « Omnia quidem munda. » Et quod est, « Sed non omnia expedunt: » ipsum est, « Sed malum est homini qui per offendit manducat. » Ita ostendit ea quæ licita sunt, id est, nullo præcepto Domini prohibentur, sicut expedit potius esse tractanda, non præscriptio legis, sed consilio charitatis. Hæc sunt quæ amplius erogantur saucio, qui curandus ad stabulum Samaritani illius miseratione perductus est⁴. Et ideo dicuntur non a Domino præcipi, quamvis Domino moneantur offerri; ut tanto intelligantur esse gratiæ; quanto magis ostenduntur indebita.

XVI. Sed ea quæ in his talia sunt, ut quamvis sint licita non expediant, non in eis dici potest: Bonum est hoc, sed illud melius, sicut dictum est: « Qui dat nuptium, bene facit; et qui non dat nuptium, melius facit. » Ibi enim utrumque licet, et hoc aliquando, aliquando illud expedit. Nam illis quæ se non continent, utique expedit nubere, et quod licet expedit: quæ autem voverint continentiam, nec licet, nec expedit⁵. Porro descendere ab infidiли conjuge licet, sed non expedit: manere autem cum illo, si cohabitare consentit, et licet et expedit, quia si non liceret, expedire non posset. Potest ergo aliiquid licere et non expedire, expedire autem quod non

¹ Cor. x, 22-25. — ² Id. viii, 13. — ³ Rom. xiv, 20. — ⁴ Luc. x, 35. — ⁵ 1 Cor. vii, 38.

licet non potest. Ac per hoc non omnia licita expedient; omnia autem illicita non expedient. Sicut enim omnis qui Christi sanguine redemptus est, homo est; non tamen omnis qui homo est, etiam sanguine Christi redemptus est: ita omne quod non licet non expedit, nec tamen omne quod non expedit etiam non licet. Sunt quippe licita quæ non expedient, sicut Apostolo teste didicimus.

XVII. Sed inter id quod illicitum est et ideo non expedit, atque id quod licitum est nec tamen expedit, quid intersit, aliqua universalis regula definire difficile est. Citius enim quisque dixerit: Omne quod fieri non expedit, peccatum est; omne autem peccatum illicitum est: omne ergo quod non expedit, illicitum est. Et ubi erunt illa quæ licita esse, sed non expedire, Apostolus dixit, si omne quod non expedit, licitum non est? Quapropter quia verum dixisse Apostolum dubitare non possumus, et aliqua peccata esse licita dicere non audemus; restat ut dicamus, fieri aliiquid quod non expedit, et tamen si licitum est, non esse peccatum, quamvis quoniam non expedit, non sit utique faciendum. Quod si absurdum videtur, ut aliiquid fiat quod non expedit, et dicatur non peccasse qui fecerit; intelligendum est hoc ex consuetudine sermonis absurdum: quæ ita late patet, ut etiam iumenta, quamvis sint rationis expertia, tamen plerumque dicamus debere vapulare cum peccant: peccare autem proprie non est nisi ejus qui utitur rationali voluntatis arbitrio, quod in omnibus mortalibus animantibus non nisi homini est divinitus attributum. Sed aliud est cum proprie loquimur, aliud cum verba ex aliis rebus transferendo vel abutendo mutuamur.

XVIII. Ut igitur, si possumus, emitamur, inter id quod licet et non expedit, et id quod non licet atque ideo non expedit, aliquo certo fine distinguere: ea mihi vi-

dentur licere et non expedire, quæ per justitiam quidem, quæ coram Deo est, permittuntur, sed propter offenditatem hominum, ne ob hoc impediatur a salute, vitanda sunt: ea vero non licere, et ideo nec expedire, quæ sic ipsa justitia vetantur, ut facienda non sint; etiamsi ab eis, quibus in notitiam fuerint perlata, laudentur. Quod si ita est, ideo non nisi illicita prohibentur a Domino, ut ea quæ licita sunt et non expediunt, non legis vinculo, sed libera dilectionis beneficentia caveantur.

XIX. Quocirca si dimittere infidelem conjugem non liceret, hoc fieri Dominus prohiberet, neque id Apostolus prohibens diceret: «Ego dico, non Dominus¹.» Nam si propter fornicationem carnis permittitur homo a conjuge separari; quanto magis in conjuge mentis fornicatio detestanda est? id est, infidelitas, de qua scriptum est: «Quoniam ecce qui longe se faciunt a te, peribunt; perdidisti omnem qui fornicatur abs te².» Sed quia ita licitum est, ut non expediatur: ne propter conjugum separations offensi homines, ipsam doctrinam salutis, qua illicita prohibentur, exhorreant, ac sic pejores atque perituri in eadem infidelitate remaneant; intercedit Apostolus, et monendo fieri vetat, quod ita licitum est ut non expediatur. Sic enim recedere ab infidelibus uxoribus vel maritis, fideles viri vel foeminæ non prohibentur a Domino, ut neque jubeantur. Nam si dimittere tales conjuges juberentur, nullus esset locus consilio monentis Apostoli ne hoc fieret. Nullo modo enim quod Dominus jubet, servus bonus fieri prohiberet.

XX. Namque hoc Dominus aliquando per Esdram prophetam jussit, et factum est: dimiserunt Israëlitæ uxores alienigenas, quicumque tunc habere potuerunt, per quas siebat ut et ipsi ad alienos seducerentur deos, non

¹ Cor. viii, 12. — ² Psal. xxii, 27.

ut illæ per maritos vero acquirerentur Deo. Nondum enim tanta gratia Salvatoris illuxerat, et promissis temporalibus Veteris Testamenti adhuc inhiabat illius populi multitudo. Et propterea cum bona terrena, quæ pro magno expectabant a Domino, viderent etiam his abundare qui multos falsos colebant deos, blanditiis uxorum prius eos reverebantur offendere, deinde inducebantur et colere. Unde jusserset Dominus per sanctum Moysen, ne quis uxorem alienigenam duceret⁴. Merito ergo, quas duxerant Domino prohibente, Domino jubente dimiserunt. Cum vero coepisset gentibus Evangelium praedicari, jam conjunctos gentiles gentilibus comperit conjuges: ex quibus si non ambo crederent, sed unus aut una infidelis cum fidei consentiret habitare, nec prohiberi a Domino debuit fidelis infidelem dimittere, nec juberi: ideo scilicet non prohiberi, quia justitia permittit a fornicante discedere, et infidelis hominis fornicatio est major in corde; nec vera ejus pudicitia cum conjuge dici potest, quia « Omne quod non est ex fide, peccatum est²: » quamvis veram fidelis habeat pudicitiam etiam cum infideli conjuge, qui non habet veram. Ideo autem nec juberi debuerunt fideles ab infidelibus separari, quia non contra jussionem Domini gentiles fuerant ambo conjuncti.

XXI. Quoniam ergo ab infideli fidelem discedere nec prohibet nec jubet Dominus, ideo ut non discedat Apostolus dicit, non Dominus: habens utique Spiritum sanctum, in quo dare posset utile et fidele consilium. Unde cum dixisset de muliere, cuius vir mortuus fuerit: «Beator autem erit, si sic permanserit, secundum meum consilium³: » ne quis hoc consilium tanquam humanum, non divinum contemnendum putaret, adjecit:

¹ Deut. vii, 3. — ² Rom. xiv, 23. — ³ 1 Cor. viii, 40.

« Puto autem et ego **Spiritum** Dei habeo. » Proinde intelligendum est, etiam **ipsa** quæ non a Domino jubentur, sed a sancto ejus **famulo** utiliter suadentur, eodem Domino inspirante suaderi. Absit enim ut quisquam Catholicus dixerit, quando **suadet** Spiritus sanctus, non Dominum suadere; cum et **ipse** Dominus sit, et inseparabilia sint opera Trinitatis. **Dicit** tamen : « De virginibus autem » præceptum Domini **non** habeo, consilium autem do¹. » Non ut hoc consilium **alienum** existimemus a Domino, cum continuo sequatur **et** dicat : « Tanquam misericordiam consecutus a **Domino** ut fidelis essem. » Secundum Deum ergo dat fidele **consilium** in eo Spiritu, de quo ait : « Puto autem et ego **Spiritum** Dei habeo. »

XXII. Verumtamen **aliud** est Domini jubentis imperium, aliud conservi secundum misericordiam charitatis, quæ est illi a Domino **inspirata** atque donata, fidele consilium. Ibi aliud facere **non** licet, hic autem licet : ita sane ut ipsum licitum **partim** quidem expedit, partim vero non expedit. **Expedit** tunc, quando non solum per justitiam, quæ coram **Domino** est, permittitur, sed etiam hominibus nullum ex hoc impedimentum salutis infertur : velut cum dat consilium **non** nubendi Apostolus virgini, unde præceptum Domini se non habere testatur ; licet aliud facere, id est, nubere, et minus quam continentiae, bonum tamen tenere nuptiarum. Ipsumque licitum etiam expedit : quoniam in vetita et illicita ruituram carnis infirmitatem sic excipit **honestate** nubendi, ut neminem impedit ad salutem ; quamvis magis expidiret, magisque honestum esset, si virgo **consilium**, quo præceptum eam non compellit, arriperet. Tunc autem non expedit id quod licitum est, quando permittitur quidem, sed usus ipsius potestatis alii assert **impedimentum** salutis. Sicut

¹ Cor. vii, 23.

est, unde jam diu loquimur, discessio fideli conjugis ab infideli, quam non prohibet Dominus præcepto legis, quia coram illo injusta non est ; sed prohibet Apostolus consilio charitatis, quia infidelibus assert **impedimentum** salutis : non solum quia perniciossime scandalizantur offensi, verumetiam quia in alia conjugia cum ceciderint viventibus eis a quibus dimittuntur, adulterinis nexibus colligati difficillime resolvuntur.

XXIII. Ideo hic, ubi id quod licet non expedit, non potest dici : Si dimiserit infidelem, bene facit ; si non dimiserit, melius facit : sicut dictum est : « Qui dat nuptum, » bene facit ; et qui non dat nuptum, melius facit¹. » Quoniam illud non solum utrumque pariter licet, unde ad nihil horum præcepto Domini quisque compellitur : sed etiam utrumque expedit, aliud minus, aliud amplius, unde ad id quod amplius expedit, consilio Apostoli, quicumque potest capere, provocatur. Hoc autem ubi de dimittendo vel non dimittendo infideli conjugio quaeritur, utrumque quidem pariter licitum est per justitiam quæ coram Domino est, et ideo nihil horum Dominus prohibet : sed non utrumque expedit, propter infirmitates hominum, et ideo id quod non expedit, Apostolus prohibet ; dante sibi Domino liberum prohibendi locum, quia neque id quod monet Apostolus, prohibet Dominus, neque id quod prohibet Apostolus, jubet Dominus. Quod nisi ita esset, neque contra prohibitionem Domini Apostolus aliquid moneret, neque contra jussionem ejus aliquid prohiberet. Proinde in his duabus causis, una de nubendo vel non nubendo, altera de infideli conjuge dimittendo vel non dimittendo, aliquid simile est in verbis Apostoli, aliquid dissimile. Simile quidem illud quod et ibi dicit : « Præceptum Domini non habeo, consilium

¹ Cor. vii, 38.

» autem do ; » et hic dicit : « Ego dico , non Dominus . » Quale est enim : « Præceptum Domini non habeo ; » tale est : « Non dicit Dominus . » Et quale est , « Consilium » do¹ ; » tale est , « Ego dico . » Illud autem dissimile est , quia de nubendo et non nubendo potest dici , hoc bene fieri , illud melius ; quoniam utrumque expedit , minus aliud , magis aliud ; at vero de conjugi infideli dimittendo vel non dimittendo , quoniam unum horum non expedit , aliud expedit , dici non oportet : Qui dimittit , bene facit ; et qui non dimittit , melius facit ; sed dici oportet : Non dimittat ; quia etsi licet , non expedit . Sic ergo possumus dicere , melius esse infidelem conjugem non dimittere , quamvis liceat et dimittere ; quemadmodum recte dicimus , melius esse quod et licet et expedit , quam id quod licet , nec expedit .

XXIV. His de causis factum est , ut exponens Domini sermonem , quem prolixum in monte habuit , ubi ventum est ad quæstionem de conjugibus dimittendis vel non dimittendis , adhibitis etiam apostolicis testimoniis , dicerem consilium esse Apostoli , non præceptum Domini ubi ait : « Cæteris autem ego dico , non Dominus² , » monens eos qui haberent conjuges infideles , ut consentientes habitare secum non dimitterent . Quod utique ideo monendum , non jubendum fuit , quia non tanto pondere prohibendi sunt homines facere licita , quamvis non expediant quanto pondere prohibentur illicita . Si autem alicubi Apostolus etiam illa quæ jubenda sunt , monere dignatus est , hoc fecit parcendo infirmitati , non præjudicando jussioni . Unde si dixit : « Non ut confundam vos hæc scribo , sed » ut filios meos charissimos , moneo³ ; » quid habet quæstionis , ubi ait : « Ego dico , non Dominus . » Item ubi ait : « Ecce ego Paulus dico vobis , quia si circumcidamini ,

¹ Cor. viii, 12 et 25. — ² Ibid. 12. — ³ Id. iv, 14.

» Christus vobis nihil proderit⁴ ; » numquid etiam hic dixit : « Ego dico , non Dominus ? » Non sunt itaque ista similia , quia etiam illa quæ jubet Dominus , non est indignum neque contrarium , si eadem monet Apostolus . Monemus enim quos charos habemus , ut faciant Domini præcepta , vel jussa . Cum vero ait : « Ego dico , non » Dominus , » satis ostendit Dominum non prohibere quod ipse prohibebat . Prohibuisset autem Dominus , si esset illicitum . Ergo secundum ea quæ supra diu diximus , multumque versavimus , licitum erat per justitiam ; sed etiam licitum non erat faciendum propter liberam bevolentiam .

XXV. Tu autem cui placet , ita non licere quod non vetat Dominus , sed Apostolus , quemadmodum non licet quod vetat Dominus , cum exponere voluisses quid sibi vellet quod ait : « Ego dico , non Dominus² , » cum alloqueretur fideles quibus essent conjuges infideles , dixisti : « Quia Dominus jussit ne conjugia sibimet diversæ reli- » gionis copularentur , » et ipsum adhibuisti testimonium Domini dicentis : « Non accipies uxorem filio tuo a filia- » bus alienigenarum , ne traducat eum post deos suos , et » pereat anima ejus⁴ . » Addidisti etiam verba Apostoli , ubi dixit : « Mulier alligata est , quandiu vir ejus vivit . Quod » si mortuus fuerit vir ejus , liberata est : cui vult nubat , » tantum in Domino² : » quod ita exposuisti , ut adjun- geres : « Id est , Christiano . » Deinde securus es , et aisti : « Hoc est ergo Domini præceptum tam in Veteri quam in » Novo Testamento , ut nonnisi unius religionis et fidei » conjugia sibi maneant copulata . » Si hoc ergo est Domini præceptum tam in Veteri Testamento quam in Novo , et hoc jubet Dominus , hoc docet Apostolus , ut nonnisi unius religionis et fidei maneant copulata conjugia ; quare

¹ Galat. v, 2. — ² 1 Cor. viii, 12. — ³ Deut. vii, 3. — ⁴ 1 Cor. vii, 39.

contra hoc Domini jussum , contra doctrinam suam, contra præceptum Testamenti Veteris et Novi , jubet Apostolus ut diversæ fidei conjugia maneant copulata? « Quia » Paulus, inquis, gentium prædicator et apostolus , jam » in conjugio positos, non solum monet; sed etiam jubet, » ut si unus aut una a conjugibus credidisset, alterum vel » alteram non credentem, secum tamen habitare con- » sentientem, non dimitteret.» His verbis tuis aliud hoc, aliud esse illud, satis evidenter ostendis. Illud enim de his conjugiis agitur, quæ sibi primitus copulantur, ne nubat foemina non suæ religionis viro, vel vir talem du- cat uxorem. « Id enim, ut dicis, jubet Deus, docet Apos- » tolus, utrumque præcipit Testamentum. » Hoc autem diversum esse quis abnuat, ubi agitur non de conjungen- dis, sed de conjunctis? Ambo quippe unius ejusdemque infidelitatis fuerunt quando conjuncti sunt, sed Evangelium cum venisset, alter sine altera, vel altera sine altero credidit. Si ergo aliud est hoc, quod sine scrupulo ullius dubitationis appareat, cur fidelem cum infideli in conjugio permanere, non et Dominus sicut Apostolus jubet? Nisi forte isto loco vacat, quod tam fidenter ipse ait: « An » vultis experimentum accipere ejus qui in me loquitur » Christus¹? » Et utique Dominus est Christus. Intelligi- ne quid dicam? An in hoc explanando aliquanto diligenter immorabor.

XXVI. Attende ut rem ipsam tanquam in conspectu considerandam planiore sermone ponamus. Ecce conjuges duo, unius infidelitatis : ita fuerunt quando conjuncti sunt: nulla de his questio est, quæ pertineat ad illam Domini jussionem doctrinamque apostolicam et præcep- tum Testamenti Veteris et Novi , quo prohibetur fidelis cum infideli copulare conjugium. Jam sunt conjuges, et

¹ 2 Cor. xiii, 3.

adhuc ambo sunt infideles, adhuc tales sunt quales fue- runt antequam jungerentur, qualesque conjuncti sunt. Venit Evangelii Prædicator, credit eorum aut unus, aut una, sed ita ut infidelis cum fideli habitare consentiat. Jubet fideli Dominus ne infidelem dimittat, an non ju- bet? Si dixeris, Jubet: reclamat Apostolus: « Ego dico, » non Dominus. » Si dixeris, Non jubet: causam re- quiro. Neque illam mihi responsurus es, quam tuis litte- ris indidisti: « Quia Dominus prohibit fideles infidelibus » jungi. » Hic enim nullo modo est ista causa: de jam junctis loquimur, non de jungendis. Si ergo tu causam non invenisti, cur non vetet Dominus, quod vetat Apos- tolus; cernis enim jam, ut existimo non esse ipsam quam esse putaveras: vide ne forte illa sit quæ mihi visa est, et tunc proferenda, et nunc defendenda; ut scilicet illud intelligamus dicere Dominum, quod habet coram illo nullo modo transgredienda justitia, id est, quod ita jubet aut vetat, ut aliud facere omnino non liceat: quod autem volentis potestati ita permittit, ut nec agatur nec præter- mittatur illicite, ibiservorum suorum consilio locum dare, ut id potius suadeant quod viderint expedire.

XXVII. Teneatur hic ergo primitus ac maxime ne com- mittantur illicita. Ubi autem aliquid ita licitum est, ut aliud facere non sit illicitum, fiat quod expedit, vel quod magis expedit. Illa igitur quæ Dominus ita dicit ut Do- minus, id est, non monentis consilio, sed dominantis imperio, non facere non licet, et ideo nec expedit. Do- minus itaque præcepit: « Mulierem a viro non discedere; » quod si discesserit², » ea utique causa qua disce- dere licitum est: « Manere innuptam, aut viro suo recon- » ciliari. Mulier enim sub viro vivo maritojuncta est legi²; » et « Vivente viro vocabitur adultera, si fuerit cum alio

¹ 1 Cor. viii, 10, 11. — ² Rom. viii, 2, 3.

» viro⁴; » quoniam « Mulier alligata est, quandiu vir ejus vivit². » Unde « Si uxor dimiserit virum suum et alii nupserit, moechatur³: » et, « Qui dimissam a viro duxerit, moechatur. » Ideoque ex eodem praecepto Domini, « Et vir uxorem ne dimittat⁴: » quoniam « Qui dimis serit uxorem suam praepter causam fornicationis, facit eam moechari⁵. » Sed si propter hanc causam dimiserit, etiam ipse sic maneat: « Omnis enim qui dimittit uxorem suam, et dicit alteram, moechatur⁶. » Hæc constituta Domini sine ulla retractatione servanda sunt. Habet enim hæc justitia quæ coram illo est, sive approbent sive improbent homines: et ideo dici non oportet, propter offensiones hominum, aut ne impedianter homines ab ea salute, quæ in Christo est, non esse servanda. Quis enim Christianus audeat dicere: Ne homines offendam, aut ut homines Christo acquiram, faciam moechari uxorem meam, aut ego ipse moechus fiam?

XXVIII. Potest enim fieri, ut cum adulteram uxorem quisque dimiserit Christianus, ita tentetur, ut aliqua foemina quæ nondum credidit, cupiens in ejus nuptias convenire, promittat se futuram esse Christianam, non fallaciter, sed si ei nupserit, hoc omnino factura. Huic itaque hoc connubium recusanti poterit sugerere ille tentator: Dominus dixit: « Quicumque dimiserit uxorem suam præter causam fornicationis, et aliam duxerit, moechatur⁷: » tu autem qui dimisisti propter causam fornicationis uxorem, si aliam duxeris, non moechaberis. Huic talia suggesti, eruditio corde respondeat moechari quidem illum gravius qui præter causam fornicationis uxore dimissa alteram duxerit; sed etiam illum qui uxore fornicante dimissa sibi aliam copulavit, non ideo non

¹ Cor. vii, 39. — ² Marc. x, 12. — ³ Matth. xix, 9. — ⁴ 1 Cor. vi, 11. — ⁵ Matth. iii, 32. — ⁶ Luc. xvi, 18. — ⁷ Matth. v, 32.

mœchari, quia fornicantem reliquit: sicut mœchatur qui eam quæ præter causam fornicationis dimittitur, duxerit; nec ideo non mœchatur qui eam ducit, quam dimissam propter causam fornicationis invenerit. Et propterea quod subobscure apud Matthæum positum est, quoniam totum a parte significatum est, expositum esse apud alios, qui totum generaliter expresserunt: sicut legitur apud Marcum: « Quicumque dimiserit uxorem suam, et aliam duxerit, adulterium committit⁴. » Et apud Lucam: « Omnis qui dimittit uxorem suam, et dicit alteram, moechatur². » Non enim alios dixerunt mœchari, alios non mœchari, qui dimisis uxoribus suis duxerint alteras; sed quicumque dimiserit, omnem prorsus qui dimiserit uxorem suam, et aliam duxerit, mœchari eum sine ulla exceptione dixerunt.

XXIX. Sed si hæc ille Christianus responderit tentatori, intelligens licuisse quidem sibi dimittere adulteram, sed aliam ducere non licere; quid si dicat ille tentator: Committe hoc peccatum, ut acquiras animam Christo in morte infidelitatis positæ foeminae, quæ parata est, si tibi nupserit, fieri Christiana: quid aliud Christianus respondere ad ista debet et dicere, nisi se non posse, si hoc fecerit, evadere judicium, quod commemoravit Apostolus ubi ait: « Et sicut dicunt quidam nos dicere: « Facciamus mala, ut veniant bona, quorum judicium justum est³? » Quomodo autem poterit esse salubriter Christiana quæ cum illo a quo ducitur erit adultera?

XXX. Non solum autem mœchandum non est, quod facit, non quidam, sed omnis qui dimittit uxorem suam, et dicit alteram, etsi propterea duxerit ut faciat Christianam. Sed etiam quisquis non aligatus uxori continentiam Deo voverit, nullo modo debet ista compensatione

¹ Marc. x, 11. — ² Luc. xvi, 18. — ³ Rom. iii, 3.

peccare , ut ideo credat uxorem sibi esse ducendam , quia promisit quæ nuptias ejus appetit , futuram se esse Christianam . Quod enim cuique antequam vovisset licebat , cum id se nunquam facturum voverit , non licebit : si tamen id voverit quod vovendum fuit , sicuti est perpetua virginitas , vel continentia post experta connubia solutis a vinculo conjugali , vel ex consensu voventibus et carnalia debita sibi invicem relaxantibus fidelibus castisque conjugibus ; quod alterum sine altera , vel alteram sine altero vovere fas non est . Hæc ergo , et si qua alia sunt quæ rectissime voventur , cum homines voverint , nulla conditione rumpenda sunt , quæ sine ulla conditione voverunt . Quia et hoc Dominum præcepisse intelligendum est , ubi legitur : « Vovete et redditte Domino Deo vestro ^{1.} » Unde Apostolus de quibusdam quæ continentiam vovent , et postea nubere volunt , quod eis antequam vovissent utique licebat : « Habentes , inquit , damnationem , quo- » niam primam fidem irritam fecerunt ^{2.} »

XXX. Nihil ergo expedit quod illicitum est , et nihil quod prohibet Dominus licitum est . Quæ autem nullo Domini constringente præcepto in potestate dimissa sunt , in his audiatur Apostolus in Spiritu sancto monens et consulens , ut vel meliora capiantur , vel ea quæ non expediunt caveantur . Ibi audiatur dicens : « Præceptum Do- » mini non habeo , consilium autem do . » Et , « Ego dico , » non Dominus . » Ibi si meliora elegerit , qui audit : « So- » lutus est ab uxore , non quærat uxorem , quia et si ac- » ceperit uxorem , non peccat : » ibi virgo non nubat . « Qui enim non dat nuptum , melius facit ; et qui dat » nuptum , bene facit ^{3.} » Ibi beatior sit mulier sic per- manendo , quæ mortuo viro suo in potestate habet , cui

¹ Psal. lxxv , 12 . — ² 1 Tim. v , 12 . — ³ 1 Cor. vii , 12 , 25 ,
27 et 38 .

vult nubere , « Tantum in Domino ^{1.} » Quod duobus modis accipi potest , aut Christiana permanens , aut Christiano nubens . Non enim tempore revelati Testamenti Novi , in Evangelio vel illis apostolicis Litteris sine ambiguitate declaratum esse recolo , utrum Dominus prohibuerit fidèles infidelibus jungi . Quamvis beatissimus Cyprianus inde non dubitet ^{2.} , nec in levibus peccatis constituat , jungere cum infidelibus vinculum matrimonii , atque id esse dicat prostituere gentilibus membra Christi . Sed quia de iis qui jam conjuncti sunt alia quæstio est ; audiatur et hic Apostolus dicens : « Si quis frater habet uxorem in- » delem , et hæc consentit habitare cum illo , non dimittat illam : et si qua mulier habet virum infidelem , et hic » consentit habitare cum illa , non dimittat virum ^{3.} » Et sic audiatur , ut quamvis fieri licitum sit , quia hoc non dicit Dominus ; non tamen fiat , quia non expedit . Non enim omnia expedire quæ licita sunt ^{4.} , apertissime docet Apostolus , sicut supra jam ostendimus . Propter quodlibet tamen fornicationis genus , sive carnis , sive spiritus , ubi et infidelitas intelligitur , et dimisso viro non licet alteri nubere , et dimissa uxore non licet alteram ducere : quoniam Dominus nulla exceptione facta dicit : « Si uxor » dimiserit virum suum , et alii nupserit , moechatur ^{5.} » Et : « Omnis qui dimittit uxorem suam , et dicit alteram , » moechatur ^{6.} »

XXXII. His ita pro meo modulo pertractatis atque discussis , quæstionem tamen de conjugiis obscurissimam et implicatissimam esse non nescio . Nec audeo profiteri omnes sinus ejus , vel in hoc opere , vel in alio me adhuc explicasse , vel jam posse , si urgari , explicare . Illud autem unde me itidem in alia scheda consulendum exist-

¹ 1 Cor. viii , 39 . — ² Cyprianus lib. de Lapsis . — ³ 1 Cor. viii , 12 , 13 .
— ⁴ Id. x , 21 . — ⁵ Marc. x , 14 . — ⁶ Luc. xvi , 18 .

timasti, seorsum etiam ego enodare curarem, si mihi aliud quam tibi visum est, videretur: cum vero eadem sit etiam nostra sententia, non hinc opus est diutius disputatione.

XXXIII. Catechumenis ergo in hujus vitæ ultimo constitutis, si morbo seu **casu** aliquo sic oppressi sint, ut quamvis adhuc vivant, petere sibi tamen baptismum vel ad interrogata respondere non possint, proposit eis quod eorum in fide christiana **jam** nota voluntas est, ut modo baptizentur, quo modo baptizantur infantes, quorum voluntas nulla adhuc patuit¹. Non tamen propterea damnare debemus eos qui timidius agunt, quam nobis videtur agi oportere, ne de **pecunia** conservo credita improbus quam cautius **judicare** voluisse judicemur. Satis quippe in talibus respiciendum est illud Apostoli, ubi dicit: « Unusquisque nostrum pro se rationem reddet » Deo². » Non ergo amplius invicem judicemus. Sunt enim qui vel in his, vel etiam in aliis observandum putant, quod dixisse Dominum legimus: « Nolite sanctum dare canibus, neque projeceritis margaritas vestras ante porcos³. » Et ista Salvatoris verba referentes, baptizare non audent eos qui pro se respondere nequierint, ne forte contrarium gerant voluntatis arbitrium. Quod de parvulis dici non potest, in quibus adhuc rationis nullus est usus. Sed non solum incredibile est, nec in fine vitæ hujus baptizari catechumenum velle, verum etiam si voluntas ejus incerta est, multo satius est nolenti dare quam volenti negare, ubi velit an nolit sic non apparent, ut tamen credibilius sit eum, si posset velle se potius fuisse dicturum ea sacramenta percipere, sine quibus jam creditit non se oportere de corpore exire.

¹ Vide lib. iv. Confess. cap. 4. n. 8. — ² Rom. xiv, 12. — ³ Matth. viii, 6.

XXXIV. Si autem Dominus, ubi ait: « Nolite dare sanctum canibus, » hoc quod isti cavendum putant, vellet intelligi, non ipse suo traditori dedisset, quod in suam ille perniciem, sine culpa dantis, cum dignis indignus accepit. Unde cum hoc diceret Dominus, credendum est significare voluisse, quod lucem intelligentiae spiritalis immunda corda non portant. Etsi portanda doctor ingesserit, quæ non recte accipiunt, quia non capiunt, vel reprehensionis morsibus lacerant, vel contemnendo conculcant. Si enim beatus Apostolus, quamvis in Christo jam renatis, tamen adhuc parvulis, lac dicit se dedisse, non escam: « Nec dum enim poteratis, » inquit, sed nec adhuc quidem potestis¹. » Si denique ipse Dominus electis Apostolis dixit: « Adhuc multa habeo vobis dicere, sed non potestis illa portare modo²: » quanto minus possunt ferre, quæcumque de incorporealitate dicuntur, immundæ mentes impiorum?

XXXV. Sed ut sermo noster ad hoc potius claudatur, unde sumpsit exordium, ego non solum alios catechumenos, verum etiam ipsos qui viventium conjugiis copulati retinent adulterina consortia, cum salvos corpore non admittamus ad baptismum, tamen si desperati jacuerint, nec pro se respondere potuerint, baptizandos puto, ut etiam hoc peccatum cum cæteris lavacro regenerationis abluatur. Quis enim novit utrum fortassis adulterinæ carnis illecebra usque ad baptismum statuerant detineri? Si autem ab illa desperatione recreati potuerint vivere, aut facient quod statuerunt, aut edocti obtemperabunt, aut de contemptoribus fiet quod fieri etiam de baptizatis talibus debet. Quæ autem baptismatis, eadem reconciliationis est causa, si forte poenitentem finiendæ vitæ periculum præoccupaverit. Nec ipsos enim ex hac vita sine arrha suæ pacis exire velle debet mater Ecclesia.

¹ Cor. iii, 2. — ² Joan. xvi, 12.